

# BESTELAKO XEDAPENAK

GARAPENERAKO LANKIDETZAREN EUSKAL AGENTZIA

5563

*EBAZPENA, 2019ko azaroaren 26koa, Garapenerako Lankidetzaren Euskal Agentziako zuzendariarena, zeinaren bidez ebazten baita garapenerako lankidetzaren kargurako ekintza humanitarioko estrategien lerroko laguntzen 2019ko deialdia.*

Ekainaren 18ko 90/2019 Dekretuan, ekintza humanitarioko esku-hartzeetarako laguntzak arautzen dira, garapenerako lankidetzaren kargurakoak, eta bi jarduera-mota bereizten. Alde batetik, ekintza humanitarioko proiektuak, krisi humanitarioen eraginpeko pertsonak babesteko direnak; eta beste aldetik, ekintza humanitarioko estrategiak, epe ertaineko eta aurrekontu handiagoko esku-hartzeak direnak, zeinek, aipatutako babes-ekintzez gain, erakunde humanitarioak sendotzeko eta euskal herritarrak sentsibilizatzeko bestelako ekintzak ere jasotzen baitituzte.

Garapenerako Lankidetzaren Euskal Agentziako zuzendariaren 2019ko irailaren 3ko Ebazpenaren bidez (2019ko ekainaren 26ko EHAA, 120. zk.), garapenerako lankidetzaren kargurako ekintza humanitarioetarako laguntzak emateko 2019ko deialdia egin zen.

Aipatutako deialdi-ebazpenaren 4. artikuluan ezarritakoaren arabera laguntzak emateko egindako proposamena ikusita, Garapenerako Lankidetzaren Euskal Agentziako Koordinazio Teknikoko Zerbitzuak laguntza-eskabideen azterketa teknikoa eta balorazioa egin ondoren, eta Kontseilu Errektoreari 2019ko azaroaren 26an egindako bileran horren berri eman ondoren, honako hau

## EBAZTEN DUT:

Lehenengoa.– Kanpo Harremanetarako idazkari nagusiaren 2019ko irailaren 3ko Ebazpenaren bidez deitutako laguntzak esleitzea. Laguntza horiek ebazpen honen I. eranskinean jasotako erakundeei emango zaizkie, eranskin horretan aipatutako zenbatekoan eta baldintzetan.

Bigarrena.– II. eranskinean zerrendatzen diren erakundeei laguntza-eskabideak ukatzea, eranskinean bertan azaltzen diren arrazoiengatik.

Hirugarrena.– III. eranskinean zerrendatzen diren erakundeei laguntza-eskabideak baztertzea, eranskinean bertan azaltzen diren arrazoiengatik.

Laugarrena.– Ebazpen hau Euskal Herriko Agintaritzaren Aldizkarian argitaratzeko agintzea, jende guztiak horren berri izan dezan.

Bostgarrena.– Ebazpen honek ez dio amaiera ematen administrazio-bideari, eta, beronen aurka, gora jotzeko errekurtsua aurkeztu ahal izango zaio Garapenerako Lankidetzaren Euskal Agentziako lehendakariari, hilabeteko epean, ebazpena Euskal Herriko Agintaritzaren Aldizkarian argitaratu eta hurrengo egunetik aurrera. Gora jotzeko errekurtsua aurkezten denetik hiru hilabete pasatzen badira ebazpenik eman gabe, errekurtsua ezetsizat hartu ahal izango da, eta administrazioarekiko auzien bidea zabalik geratuko da.

Vitoria-Gasteiz, 2019ko azaroaren 26a.

Garapenerako Lankidetzaren Euskal Agentziako zuzendaria,  
PAUL ORTEGA ETCHEVERRY.

## I. ERANSKINA

## DIRUZ LAGUNDUTAKO ESKABIDEAK

Espedientea	Erakunde eskatzailea	Izenburua	Herraldea	Puntuak	Dirulaguntza (eurotan)
EHE-2019BA/0003	Fundación Mundubat - Mundubat fundazioa	Protección integral de la población palestina vulnerable en Jerusalén Este	Palestina	74	799.362,35
EHE-2019BA/0002	ALBOAN fundazioa	Respuesta humanitaria integral y estrategias sostenidas de integración local a las personas en situación de migración y desplazamiento forzado en Venezuela, Colombia y Ecuador	Venezuela, Kolonia eta Ekuador	73	788.624,92
EHE-2019BA/0006	Asociación Comité Español de la UNRWA	Estrategias de empoderamiento para reducir la vulnerabilidad de las mujeres refugiadas de Palestina en Líbano	Líbano	65	799.915,40
EHE-2019BA/0005	Fundación UNICEF Comité español	Atención integral a niños y niñas liberadas de fuerzas y grupos armados en la República Centroafricana	Afrika Erdiko Errepublikak	61	512.097,33

2019ko abenduaren 2a, astelehena

## II. ERANSKINA

## ESKAERA EZ ONARTUAK DIRU-FUNTSAK AGORTZEAGATIK

Espedientea	Erakunde eskatzailea	Izenburua	Herraldea	Puntuak
EHE-2019BA/0007	Asamblea de Cooperación por la Paz	Protección integrada de los derechos y la dignidad de la población palestina bajo ocupación conforme al DIH y el DIDH, con especial énfasis en la equidad de género, la protección de la infancia y la RRD	Palestina	60
EHE-2019BA/0001	SAEDen Lagunen Elkartea	Mejora de la prestación de servicios de básicos de saneamiento ambiental en los campamentos de población saharai refugiada	Arjeria	57

## III. ERANSKINA

## BAZTERTUTAKO ESKAERAK

Espedientea	Erakunde eskatzailea	Izenburua	Herrialdea	Baztertze arrazoia
EHE-2019BA/0004	Asociación España con ACNUR	Lucha contra la violencia sexual y la discriminación socio-económica de las mujeres centroafricanas, refugiadas en la República Democrática del Congo - RDC	Kongo (DR)	Ez du betetzen 90/2019 Dekretuaren 16.1 artikuluan jasotako betebeharra, hain zuzen ere gutxienez 50 puntu lortzea